

Je cerco pace, però 'a trovo sultanto
Quanno veco a te
Te tengo 'ncapa, je te tengo 'int'ô sanghe
E m'hê 'a credere
È accussì facile, accussì facile
Manco tu 'o ssaje
Ne voglio sempe 'e cchiù 'e stu bene ca me daje
E si tu vuó sapè che vaco truvanno
Guarda dint'ô specchio

Stongo aspettanno ca tu viene
Te tengo 'mpietto, chesto 'o ssaje
E fino ajere je fujevo
E mo me stongo ccà
Mo me stongo ccà

'Int'a na stanza chiusa stevo alluccanno
Nun sentevo cchiù
Je nun sapevo cchiù che jevo truvanno
E sî arrivata tu
E ogne juorno nuovo ca, ogne juorno nuovo ca
Vene e già 'o ssaje, già è n'atu juorno ca
T'astregno 'int'a 'sti braccia
E primma ca ce stive tu 'int'a 'sta casa
Steva sempe 'o scuro

Stongo aspettanno ca tu viene
Te tengo 'mpietto, chesto 'o ssaje
E fino ajere je fujevo
E mo me stongo ccà
Mo me stongo ccà
E nn'aggio maje capito buono
Comme aggio fatto a me salvà
Ma fino ajere je fujevo
E mo me stongo ccà
Mo me stongo ccà

Je so' juto troppo lontano
Tutto chistu tiempo sbaglianno
E si sapesse 'sti parole, t''e dicesse
E si 'e dicesse, nun paressero cchiù 'e stesse
'A fore 'a vocca già m'ascessero diverse
Aggio trattato 'a vita comme a na scummissa
Aggio viaggiato 'ncopp'a troppe trene perze
Aggio chiagnuto 'e lacrime 'ncopp'è prumesse
E ancora 'e vaco appriesso

Stongo aspettanno ca tu viene
Te tengo 'mpietto, chesto 'o ssaje
E fino ajere je fujevo
E mo me stongo ccà
Mo me stongo ccà
E nn'aggio maje capito buono
Comme aggio fatto a me salvà
Ma fino ajere je fujevo
E mo me stongo ccà
Mo me stongo ccà

Stongo aspettanno ca tu viene
Te tengo 'mpietto, chesto 'o ssaje
E fino ajere je fujevo
E mo me stongo ccà
Mo me stongo ccà
E nn'aggio maje capito buono
Comme aggio fatto a me salvà
Ma fino ajere je fujevo
E mo me stongo ccà
Mo me stongo ccà